

adumbratum esse deprehendes: Hic enim est agni a mundi origine mactati Apoc. XIII, 8. sanguis, qui postibus collateralibus & liminibus supernis forium seu cordium Israelitarum (si non gente at mente talium Rom. II, 17. seq. Gal. III, 7. 9. C. VI, 16.) per fidem illitus DEUM vindicem transire quasi iubet iramque omnem auertere permouet, Exod. XII, 7. 13. ab acto prorsus Angelo percussole Sathan, Apoc. XII, 9. 11. Ioh. VIII, 44. Hic est ille sanguis, quem iubente DEO Moses coetui inspergit, dicens: *En sanguinem Foederis, vos inter et Dominum pacti secundum verba hacc singula,* Exod. XXIV, 8. nam Christi sanguis est sanguis ille Foederis Heb. IX, 20. Zach. IX, 11. inter DEUM et hominem erecti, quod videlicet *DEUS nobis sit DEUS, nos vero eius populus* Ier. VII, 23. Ier. XXXI, 33. C. XXIV, 7. Heb. VIII, 10. cuius Foederis Architectus est Christus, qui de utroque participat, DEUS videlicet et homo, citra partium studium inter utrumque paciscens, quo circa et *Angelus Foederis* audit, Mal. III, 1. *cuius sanguis est sanguis noui foederis* Matth. XXVI, 28. Marc. XIV, 24. in quo *calix noui foederis est*, 1. Cor. XI, 25. quod praedictum Ier. XXXI, 31. 32. 33. Et quidem pactum est hoc foedus super quodlibet diuinum verbum promissionis, Es. LIX, 21. nam veritas promissionis verbi DEI, Ioh. XVII, 17. fallere nescii, Rom. III, 3. 2. Tim. II, 13. est in Christo Amen. 2 Cor. I, 20. In sacrificiis consecrationis ad consecrandum cum utroque Filio Aarons *Moses* sanguine mactatitauri cornua Altaris illinire, sanguine arietis autem Altare ipsum, *Aaronem*, Filios horumque vestes conspergere jubetur, Exod. XXIX, 16. 21. ut hoc pacto initiantur. Pariter hic genuinus erat typus Sanguinis Christi, quo consperguntur, quotquot sacro Baptismatis lauacro tinguntur et hac ratione sacris initiantur, Ephes. V, 26. ut in sacerdotium spirituale consecrentur, 1 Pet. II, 5. quithuribulo suarum precum coram Altari Maiestatis diuinae comparere prohibentur sine sanguine et merito Iesu